

樂山縣志卷之四

食貨志

田賦 水利

戶口 物產

鹽茶 蠶政

洪範之叙八政食貨先之周禮為周公致太平之書而理財獨重蓋以有土此有財有財此有用必得人以理之使家給人足以遂其利用厚生之事則孝弟之心可以油然而生矣縣令為親民之官誠深悉閭閻之疾苦念物力之艱難以生其愛惜于撫字之政不大有裨耶樂邑素稱土地沃美物產滋饒加以承平之薄賦輕徭

樂山縣志

卷四

食貨志

一

累代之深仁厚澤民生其間者安恬熙之日月慶婦子之盈寧而不知皆

聖朝之休養生息以至于茲也志食貨

田賦

康熙六十一年以前卷失無考

雍正六年奉文清查報部新舊上中下田地一千九十四頃三十畝九分三釐八毫七絲三忽

共徵丁條糧銀三千八百八十八兩一錢九分八釐七毫六絲四忽七微四塵二纖

乾隆年間陸續奉文清查至乾隆六十年徵輸止新舊報部上中下坡陡荒及學田地共二千八百五十九頃五十九畝二分一釐五毫七絲三忽二微三塵七織

共徵丁條糧銀一萬六百三十六兩三錢三分二釐九毫六絲五忽六微六塵四織八沙四渺

嘉慶元年至嘉慶十七年現在報部實存新舊上中下坡陡荒及學田地共二千八百五十九頃五十九畝二分一釐五毫七絲三忽二微三塵七織

樂山縣志

卷四

田賦

一

共徵載丁條糧銀一萬六百三十六兩三錢三分二釐九毫六絲五忽六微六塵四織八沙四渺

戶口

康熙六十一年以前卷失無考

雍正六年奉文清查報部承糧花戶一萬二千二百九十一戶人丁一萬二千二百九十一丁

乾隆年間陸續奉文清查至乾隆六十年徵輸止新舊報部承糧花戶三萬八百一十戶人丁六萬九千一百二十一丁

嘉慶元年至嘉慶十七年現在報部實在承糧花戶
三萬六千二百三十一戶人丁九萬五千五百一十

一丁

畱支

一本縣春秋二季

文廟及山川社稷各壇祠每歲祭祀銀一十六兩又續

增

武廟春秋祭祀銀一十六兩內酌撥銀二兩致祭厲壇

又續增

樂山縣志

卷四

戶口

三

文昌廟春秋祭銀十五兩

一府學廩生原額增添共二十名每名歲支餼糧銀
三兩二錢共銀六十四兩遇閏每名加銀二錢六
分六釐六毫六絲六微六塵四纖

一本縣廩生原額二十名每名歲支餼糧銀三兩二
錢共銀六十四兩遇閏每名加銀二錢六分六釐
六毫六絲六忽六微六塵四纖

一建昌道原額俸銀一百五兩額設衙役三十九名
每名歲支工食銀六兩共銀二百三十四兩額設

民壯二十名每名歲支工食銀八兩共支銀一百六十兩

一嘉定府知府一員歲額俸銀一百五兩額設衙役五十一名每名歲支工食銀六兩共銀三百六兩設立斗級二名倉夫四名每名歲支工食銀六兩共銀三十六兩額設禁卒十二名更夫十名每名歲支工食銀六兩共銀一百三十二兩

一本府通判一員歲額俸銀六十兩額設衙役二十七名每名歲支工食銀六兩共銀一百六十二兩

樂山縣志

卷四

戶口

四

一本府經歷一員歲額俸銀四十兩額設衙役六名每名歲支工食銀六兩共銀三十六兩

一本府教授一員歲額俸銀四十五兩額設門斗二名膳夫二名共四名每名歲支工食銀六兩共銀二十四兩

一本縣知縣一員歲額俸銀四十五兩額設衙役二十九名內門子二名皂隸十二名馬快八名轎傘扇夫七名每名歲支工食銀六兩共銀一百七十四兩改設仵作三名每名歲支工食銀六兩

件作二名每名歲支工食銀三兩共銀二十四兩
設立民壯二十名每名歲支工食銀八兩共銀一
百六十兩設立禁卒一十二名更夫十名每名歲
支工食銀六兩共銀一百三十二兩添設捕役四
名每名歲支工食銀六兩共銀二十四兩又設立
斗級一名倉夫三名共四名每名歲支工食銀六
兩共銀二十四兩設立縣屬底塘白巖綿竹普安
茅橋茶山草鞋蘇稽高山共九舖共設舖司兵一
十九名每名月給工食銀五錢共銀一百一十四
兩又縣屬大佛巖灘設救生船二隻水手一十二
名每名月給工食銀六錢共銀八十六兩四錢遇
閏照數加增

一本縣典史一員歲額俸銀三十一兩五錢二分額
設衙役六名內門子一名皂隸四名馬夫一名每
名歲支工食銀六兩共銀三十六兩

一本縣訓導一員歲額俸銀四十兩設立門斗二名
膳夫二名每名歲支工食銀六兩共銀二十四兩
一孤貧口糧歲無定額現支銀五十一兩八錢一分

以上祭祀官俸餼糧歲共支銀六百四十六兩五錢二分衙役民壯件作禁卒更夫捕役斗級倉夫舖司救生水手孤貧等項歲共支銀一千九百四十四兩二錢一分乾隆五十二年欽奉

諭旨應支各款隨時按季具文請領由司核給至舖司救生水手銀兩由按察司移領支給俱於年底造冊奏銷嘉慶三年奉文除道府養廉由司核給外其餘均由縣扣支年底造冊報銷

雜辦課程

樂山縣志

卷四

戶口

現徵魚課銀七兩九錢四分八釐
現徵牙行當課銀九十五兩八錢

鹽茶

鹽井現額下井三百一十一眼煎下鍋三百一十一口
每口權課銀二兩每兩徵羨餘銀二錢八分共徵課羨餘銀七百九十三兩六錢

現額鹽陸引七百四十三張每張徵正稅銀二錢七分二釐四毫徵羨餘銀一錢七分一釐六毫徵截角銀四分八釐共徵陸引羨稅截銀三百六十五兩五錢

五分六釐

按乾隆五十六年樂山知縣衷以墾以縣境安谷鄉井枯歲輸無自或籍沒以償具詳豁除枯井十九眼

現額茶腹引一千一百二十張每張徵正課銀一錢二分五釐徵稅銀二錢五分徵羨餘銀九分八釐截角銀一錢二分共徵課羨截銀六百四十四兩一錢六分

水利

樂山縣志

卷四

鹽茶

七

楠木堰 城西又名牛特堰康熙三年參議張能鱗重修民德之更名張公堰

白灘堰 城西十五里起白灘渡至龍口山止
山 迴龍堰 在石柱壩

周村堰 在周家壩
無底堰 在無底壩

田坎堰 在田坎壩
蝦蟆堰 在安谷壩

貓兒堰 城西三十里舊市鄉
洪化堰 城西二十里與貓兒堰接

黃金堰 與紅花壩並行
崖龜堰 城西四十里邁東鄉

筒車堰 城西二十里水口
永豐堰 城北十五里穿山為洞引綿竹鋪水灌田

以上俱引
沫水灌溉
牛頭堰 城西六十里

小壩堰 城西五十里

皂角堰 城西三十里 葫蘆壩

白土堰 城西六十里 符文鄉 以上俱引峩眉河水 銅鑼堰 城西三十里 引臨江溪水

江公堰 在嘉慶鄉

靈水堰 在懷蘇鄉

龍孔堰

穿山堰

規槽堰 俱符溪鄉

魚碕堰 在觀峩鄉

泊灘堰

竇郭朱堰

興隆堰

順山堰 俱安谷鄉

樂平堰 平羌鄉

物產

樂山縣志

卷四

水利

八

穀之屬 稻 粳 秈 粱 菽 有大小赤黃青白各種 豌豆

大麥 小麥 穬麥 雀麥 即燕麥 蕎麥 黍

蜀黍 即高粱 玉蜀黍 即包穀 稷 粟 秫 稗

蔬之屬 萹苳 菠薐 菘 雲薑菜 蘿服 蹲鴟

茄 胡蘿蔔 葱 韭 蒜 薑 莧菜 扁豆

芥 刀豆 豇豆 苦蕒菜 枸杞 薤 蕨菜

萹蒿 野苳 葵 藿 芹菜 蒟蒻 絲瓜

南瓜 瓠 青菜 苦瓜 苘蒿 芫荽 山藥

笋 薤菜 土菌 鷄縱 龍顛菜 白芥菜 巢

菜

果之屬 荔枝 梅葡萄 杏 櫻桃 石榴 橘柚

桃 李子 棗 柿 栗 枸櫞即香 胡桃 枇

杷 荳蔻 藕 蔗 柑 佛手柑 落花生 海紅

飲善 正果類有海紅不知出何處鄭樵通志海棠

子冬 山海紅即爾雅赤棠也海棠實狀如梨味

木之屬 蠟樹本草綱目狀如木瓜 梨

荆子生青熟紫冬青子則紅色也川

瀕人以放蟲白蠟故謂之蠟樹也

樂山縣志 卷四 物產 九

峯葱菴楠所 柏方輿考畧馬鞍山腰古柏倒生石

助也今亡 前有異柏四一則鎖細如剪一則扁仄如片一則 松

垂絲如柳一則蝟刺如毛按今凌雲山者已亡

杉 檜 桐 桑 絲栗 椿 榭 柳 棕

檇 漆 白楊 黃楊 槐 夜合 楮本草綱目亦可放蟲

白蠟今處 冬青 皂角 檀 黃葛寰宇記羅目

處有之 里陽山江潁兩樹對植圍各三尺一寸上引橫支互

二丈圍徑相援連理陰庇百尺其木各黃葛號嘉樹

又蘇子由詩子雖生江 白果 栢 棟 梨 檬

竹之屬 竹 斑竹 水竹 黑竹 月竹隴屬餘聞嘉州有月

野漆樹 頰桐劍南詩註嘉州謂之百日紅

竹今尚有之

紫竹 桃竹

花之屬 海棠 花木記凡花木名海者皆從海外來青

輿記嘉州出者香西陽雜俎嘉州海棠色香並勝闕

耕餘錄嘉州海棠有香獨異他處孫長民海棠記云

海棠盛於蜀中二月開花五出初如胭脂點點然開

則漸成纈暈落則有若宿妝淡粉其蒂長寸許淡紫

色或三萼五萼成叢其蕊如金粟中有紫鬚花落結

子如梨名海紅然蜀中亦惟嘉州者有香而本大按

今不常有惟郡署數株花 蠟梅 薔薇 月季

既佳子猶纍纍可愛也

茉莉 竹公溪十數里最夥人多 紫荊 紫微 賽

蘭 即魚子蘭亦 蓮 芷 滴滴金 玉簪 芙蓉

各珍珠蘭 西番蓮 絳桃 碧桃 菊 梅 金釵 葵

樂山縣志 卷四 物產 十

迎春 珍珠 芸 山茶 金鳳 鷺毛玉鳳 隴屬

嘉州出花如剪絨狀如 杜鵑 金盞 棠棣 石

茉莉大如椀香亦類之 竹 萱 碎剪羅 芍藥 牡丹 鷄冠 木槿

梔子 芭蕉 虞美人 臘脂 秋海棠 蕙 蘭

石蟬花 桂 年景花 即長樂花 藥之屬 乾葛 地骨皮 木瓜 天花粉 瓜篔仁

丁公藤 芩根 木通 車前子 茺莢 牽牛

牛膝 澤蘭 香附 史君子 麥門冬 紫蘇

威靈仙 蒼耳 石菖蒲 荆芥 黃精 苦棟

子 薄荷 急性子 苦參 木鱉子 常山 巴

豆 千里光 何首烏 桑白皮 益母草 半夏

骨碎補 龍膽草 木賊 夏枯草 南星 金

銀花 欵冬花 罌粟 空奪即蛇脫 木筆 金櫻

子 青箱子 五倍子 槐子 女貞子 川芎

蕪薺 百合 山七 黃連 花椒 蒲公英 當

歸 羗活 元參

毛之屬 虎 巖驢 豹 巖兔 麀 鹿 兔 獺

熊 獾 野豬 豪豬

樂山縣志 卷四 物產 十二

羽之屬 雉 鵲 鶯 燕 鳩 烏 子規 竹鷄

畫眉 鴿 八哥 山和尚 山鵲 水道士

白頭翁 拜天子 鷺鷥 鳧 鵲 籌鷄 瓦雀

護花鳥 至春則鳴其音若云無偷花果髣髴人言云 桐花鳳 五色備具每桐

花放即來花落不知所之 巖鷹

鱗之屬 魚 鮓 廣輿記嘉州出味極佳 鯉 江魷 鮓 鯽 鱒 鱖

江條 白鱈 桃花魚 黑頭魚 二山志魚產大佛沱春初出上止龍

泓下止鳥尤益部方物畧墨頭魚形若鱣長者及尺歲二月至惟郭璞臺有之蜀道驛程記烏尤山下產墨魚立春後以子漁人以燈火照之輒止不去明州牧袁子讓云何人解識終軍鼠此地猶傳翰墨魚

介之屬 龜 龍 螺 蚌

蠶之屬 蠶 蜘蛛 蟋蟀 蟬 蝌斗 蚱蜢 蜂

竹蜂

貨之屬 鹽 茶 方輿考畧嘉定茶山舊產茶續刻茶經凌雲山茶色似虎邱味逼武夷

綠含黃清馥芳烈 絲 水波綾 烏頭綾 綿紬 伯仲天目六安

靛 蜜 煙 石 炭 酒 緙 紬 潤至二尺餘者曰貢

紬其不及二尺者曰土紬土紬之佳者俗謂之鄧陽紬

金之屬 銅 鉛 按縣屬映碧鄉老洞溝舊產銅乾隆十年開採成課後因硎老山空出銅

稀少于嘉慶十年署縣王來遴詳請封閉奉文裁撤 麩金

樂山縣志 卷四 物產 十三

蠲政

康熙二十五年奉

上諭湖南福建四川貴州地方昔年為賊竊踞民遭苦

累今雖獲有寧字更宜培養以厚民生四川貴州兩省

所有二十六年應徵地丁各項錢糧俱著蠲免二十五

年未完錢糧亦著悉與豁除

康熙三十二年奉

上諭廣西四川貴州雲南四省俱居邊地土壤磽瘠民

生艱苦與腹內舟車輻輳得以廣資生計者不同朕時

切軫懷歷歲以來屢施恩恤積欠錢糧俱經次第蠲豁
茲念育民之道無如寬賦矧邊省地方非再沛優恤之
恩則閭閻無由充裕所有三十三年四省應徵地丁銀
米著通蠲免

康熙四十二年奉

恩詔雲南貴州四川湖廣四省俱屬極邊之地朕未經
巡視數年以來又未曾蠲免錢糧宜更施恩澤四十三
年四省應徵地丁各項錢糧通著蠲免

康熙四十九年奉

樂山縣志

卷四

蠲政

三

恩詔朕八齡踐阼之初

太皇太后問何欲朕對臣無他欲惟願天下治安生民
樂業共享太平之福而已迄今五十年矣惓惓此心未
嘗一日少釋每思民爲邦本勤恤爲先政在養民蠲租
爲急數十年來除水旱災傷例應豁免外其直省錢糧
次第通蠲一年者屢經舉行更一年蠲及數省一省連
蠲數年者前後蠲除之數據戶部奏稱通共會計已逾
萬萬朕一無所顧惜百姓足君孰與不足朝廷恩澤不
施及於百姓將安施乎朕每歲供御所需概從儉約各

項奏銷浮冒亦漸次釐革外無師旅餉饋之煩內無工役興作之費因以歷年節省之儲蓄爲頻歲深解之恩膏朕之蠲免屢行而無國計不足之慮亦恃此經畫之有素也比來省方時邁已歷七省南北人民風俗及日用生計靡不周知而民生所以未盡殷阜者良由承平既久戶口日繁地不加增產不加增日用不給理有必然朕洞矚此隱時深軫念爰不靳敷仁用甦民力明年爲康熙五十年思沛大恩以及吾民直隸奉天浙江福建廣東廣西四川雲南貴州各巡撫及府尹所屬除漕樂山縣志

卷四

蠲政

四

項錢糧外康熙五十年應徵地畝銀共七百二十二萬六千一百兩有奇人丁銀一百一十五萬一千兩有奇歷年舊欠共一百一十八萬五千四百兩有奇俱著免徵其餘應蠲省分次第施行

雍正七年閏七月奉

上諭數年以來甘肅四川雲南貴州廣西五省有用兵西藏及勦撫苗蠻等事其一應軍需皆動用公帑備辦秋毫不派及民間而糧餉轉輸亦有資於民力今藏地苗疆俱已寧謐朕心嘉慰特沛恩膏將庚戌年五省額

徵地丁銀兩概行蠲免

乾隆十一年奉

上諭四川雲南貴州等省應徵地丁錢糧通行蠲免餘省次第施行

乾隆十三年奉

上諭四川金匱不法大兵勦撫一切軍需皆動支國帑而轉粟飛芻不能不需用夫役借資民力所有十三年應徵地丁錢糧著緩徵

乾隆三十一年奉

樂山縣志

卷四

蠲政

十五

上諭四川省通行蠲免

乾隆三十五年恭逢

皇上六旬萬壽次年恭逢

皇太后八旬萬壽令各直省輪免稅糧

乾隆三十六年

皇太后八旬萬壽奉

上諭四川雲南貴州廣西等省應徵地丁錢糧俱著蠲免所有火耗銀兩一並緩徵

乾隆三十七年奉

上諭四川金酋不法兩路軍營現在分兵進討官兵亭頓供億動用官帑不累閭閻但小民轉運兵食頗爲急公出力所有辦米辦夫等處額徵地丁錢糧分別煩簡等第酌行蠲免

乾隆三十九年奉

上諭官軍乘勝進勦金川所需夫役倍多其節年踴躍急公等處分別等第酌行蠲免

乾隆三十九年又奉

上諭官兵經過之地所有四十年額徵地丁錢糧分別樂山縣志

卷四

蠲政

六

等第酌量緩徵

乾隆四十一年奉

上諭金川全境蕩平所有辦差等處額徵地丁錢糧分別酌免

乾隆四十二年爲

聖母仙馭升遐推廣

慈仁以酬罔極特奉

諭旨將各省額徵地丁錢糧普行蠲免自戊戌年爲始分年輪蠲

乾隆四十三年

恩詔內開額徵正閏銀全行蠲免

乾隆五十五年

恩詔額徵正銀全行蠲免

乾隆六十年欽奉

恩詔內開川省額徵地丁錢糧蠲免十分之二

嘉慶元年

恩詔川省錢糧全行蠲免

嘉慶七年欽奉

樂山縣志

卷四

蠲政

七

上諭川省民捐輸津貼急公尙義犍爲榮縣威遠蠲免地丁十分之四樂山峨眉洪雅夾江蠲免十分之二

嘉慶八年奏奉

諭旨川省民捐輸二次津貼犍爲榮縣威遠蠲免地丁十分之三樂山峨眉洪雅夾江蠲免十分之二